

中非無誅斬，何者？帝王革命，此周易革卦之變也。案革卦離下兌上也，離爲火，兌爲金，金雖有從革之性，非得火則不變。故金火合體，上下相害，戕蕩之理已窮。君臣之位初定，國之不祥，無甚於此。伏望聖鑒豫廻神慮，勅上厲群臣，戒嚴警衛，仁恩塞其邪計，矜莊抑其異口圖，青眼於近侍，推赤心於群雄，則封豕之徒，自然革面食椹之美，終成好音，撥亂之時，垂其衣裳，卽戎之運，鳴其環珮，豈不美哉！臣聞機祥難辨，靈口易迷，獻其丹疑，雖望飲於白虎之槽，驗其玉英，恐負責於黃龍之瑞。清行誠恐誠惶頓首謹言。

昌泰三年十一月廿一日

從五位上行文章博士兼伊勢權介三善宿禰清行

〔本朝文粹七〕奉旨右相府○道書

善相公

清行頓首謹言：交淺語深者妄也，居今語來者誕也，妄誕之責，誠所甘心。伏冀尊閣特降寬容，某昔遊學之次，偷習術數，天道革命之運，君臣剋賊之期，緯候之家，創論於前，開元之經，詳說於下，推其年紀，猶如指掌，斯乃尊閣之所照，愚儒何言？但離朱之明，不能視曉上之塵，仲尼之智，不能知篋中之物，聊以管穴伏添橐籥，伏見明年辛酉，運當變革，二月建卯，將動干戈，遭凶衝禍，雖未知誰是引弩射市，亦當中薄命，天數幽微，縱難推察，人間云爲誠足知亮，伏惟尊閣挺自翰林，超昇槐位，朝之寵榮，道之光華，吉備公外無復與美，伏冀知其止足，察其榮分，擅風情於煙霞，藏山智於丘壑，後生仰視，不亦美乎？努力努力，勿忽鄙言，某頓首謹言。

昌泰三年十月十一日

文章博士三善朝臣清行

〔革命勸文〕文章博士三善宿禰清行謹言
請改元應天道之狀

合證據四條

一今年當大變革命年事

易緯云：辛酉爲革命，甲子爲革令。鄭玄曰：天道不遠，三五而反，六甲爲一元，四六二六交相乘，七元有三